



Inatsisartuni ilaasortaq Vivian Motzfeldt, Siumut

/Maani

**Mittarfeqarfiit ikummatissamut akigititaat pillugit 25. oktober 2017-imi
apeqqarissaarnermi apeqqummut malitseqartitsineq**

13-11-2017
Sags nr.: 2017 - 24710
Dok. nr. 25017175

Asasara Vivian

Postboks 909
3900 Nuuk

25. oktober 2017-imi nal. 11:00 aamma 12:00 akornanni apeqqarissaarnermi
Mittarfeqarfiit ikummatissamut akigititaasa assigiinnginnerat nunani allani
timmisartuutileqatigiiffiit Kalaallit Nunaanni timmisartuussisanginnerinik qanoq
annertutigisumik sunniuteqartarnersoq apeqqummik saqqummiussivutit.

Tlf.: (+299) 34 50 00
E-mail: box909@nanoq.gl
www.naalakkersuisut.gl

Tamatuma peqatigisaanik § 37 naapertorlugu apeqqummut nr. 2017-085-imut,
aammattaaq Mittarfeqarfiit ikummatissamut akigititaanut tunngasumut akissuteqaat
innersuussutigaat.

Tamatumunnga atatillugu allakkatigut akiniarlutit neriorsorpakkit.

Allaffeqarfimma suliaq misissuiffigaa, aammalu suliap naammaginantumik
paasissutissiivigineqarnissaa siunertaralugu Mittarfeqarfiit akissuteqaammut
matumunnga ilaliussassamik pissarsiniarfigisimavaa.

Allaffeqarfiga imaluunniit Mittarfeqarfiit timmisartuutileqatigiiffinnik, Mittarfeqarfiit
timmisartunut ikummatissamut akigititassatut aalajangersagai pequtigiinnarlugit
Kalaallit Nunaanni ornitassanik toqqangaqarsimangitsunik ilisimasaqangillat.

Nunani allani timmisartuutileqatigiiffiit kalaallit timmisartuutileqatigiiffisulli ullumikkut
timmisartunut ikummatissamik annertuumik pisinerminni akikillisaaffigineqarnissamut
periarfissaqarput, tamannalu assersuutigalugu Air Iceland Connect-imut, ullumikkut
Kalaallit Nunaanni ornitassanut arfiniliusunut timmisartuussisartumut atuutsinneqarpoq.

Tassalu kalaallit timmisartuutileqatigiiffiinut nunanilu allani timmisartuutileqatigiiffinnut
akigititat assigiinngissuteqaangillat. Tamanna aamma siulima § 37 naapertorlugu
apeqquteqaammi nr. 2017-085-imi apeqqut 1-imut akissuteqaataani allassimavoq.
Ikummatissanut akinut assigiinngissut taamaallaat sullitanut angisuunut
akikillisaassisarnermut tunngasuuvoq, tassanilu sullissisoq kalaaliunersoq
kalaaliunnginnersorluunniit apeqqutaatinneqanngilaq.

Mittarfeqarfiit timmisartunut ikummatissamut akigititaannut avataani pissutsit annertuut
arlallit sunniuteqartarput, Mittarfeqarfiit namminneerlutik
sunniuteqarfigisinnaanngisaannik. Pissutsit taakku tamarmik Mittarfeqarfiit timmisartunut
ikummatissamut akigititaanut, lmarpiup avannaata sinneranut naleqqiullutik
qaffasinnerungaatsiartunut annertuumik sunniuteqartarput.

Pissutsit taakku assersuutigalugu tassaapput:

- Polaroil-ip timmisartunut ikummatissamik tunisaqartarnermut akigititai.
- Kalaallit Nunaanni timmisartunut ikummatissamut assigiimmik akeqartitsinerup attatiinnaqarnera, tasanillu Mittarfeqarfiit mittarfiini tamani akit assigiissinneqarput. Tamatumani Mittarfeqarfiit mittarfiini tunisat amerlassusaasa aningaasartuutillu assigiinngingaatsiarnerat apeqqutaatinneqanngilaq. Tamatuma aamma kingunerisaanik mittarfinni annerusuni tunisaniit mittarfinni minnerusuni tunisanut nalimmassaalluni tapiisoqartarpoq. Tamatumunnga atatillugu oqaatigineqassaaq, nalimmassaalluni tapiisarnerup tamatuma peerneqarnerani sullissisut isorliunerusuni angallassinerinut aningaasartuutit amerlinerisigut tamanna kiffartuussinissamut isumaqatigiissutinut toqqaannartumik sunniuteqartussaammat.
- Kalaallit Nunaanni timmisartut angallannerat annertunngilaq. Taamaattumik Mittarfeqarfiit timmisartunut ikummatissanik tuniniaanermut atatillugu aningaasartuutit tamarmik matussuserneqassappata, matussutissat naammanissaannut tunngavissat killeqarput.

Neriuppunga matuma siuliani apeqqutit akisimassallugu.

Inussiarnersumik inuulluaqqusillunga



Erik Jensen